

大方等集經

第四

九十  
位四

47678



元祿九年丙子二月日重脩

皇圖瓊閣 帝齋綴昌

佛日增輝 懋輪常轉

山城州天安寺法金剛院置





大方等大集經卷第四

位

北涼天竺三藏曇無讖於姑臧譯

陀羅尼自在王菩薩品第二之四

爾時世尊舉身顧眄觀諸大眾如象王迴而作是言諸善男子誰能守護如是供具及此寶坊令不毀壞滅沒損減以待彌勒成正覺已十六年後供養彼佛及賢劫中五百如來是時會中有一菩薩名諸法神通自在王即從座起胡跪合掌而作是言世尊我能守護如是供具及此寶坊令不毀壞滅沒損減以待彌勒成正覺已十六年後供養彼佛及賢劫中五百如來爾時眾中有一魔王名曰神



通其所任國名四天天下語諸法神通自在王  
菩薩言善男子汝今安置如是供具并及寶  
坊置何器中而守護之今不毀壞諸法神通  
自在王菩薩言善男子凡言器者性は無常  
而我此身常住無變善男子汝今應當諦觀  
我身尔時魔王聞是語已如教諦觀見其齋  
中有一世界名水王光有佛世尊号寶優鉢  
羅其世界中有大寶山如來處中結跏趺坐  
與諸菩薩宣說正法尔時魔王見是事已心  
甚奇訝即禮諸法神通自在王菩薩讚言善  
哉善哉大士我今始知汝有妙器堪任護持  
如是供具及此寶坊今不毀滅尔時魔王即



白佛言世尊我往未見如是菩薩未聞如是  
微妙法時欲學聲聞入於涅槃我今既見諸  
法神通自在王菩薩威神之力即發阿耨多  
羅三藐三菩提心世尊假使我身恒沙劫中  
受地獄苦然後乃成無上道者亦終不捨菩  
提之心佛言善哉善哉善男子汝能善發阿  
耨多羅三藐三菩提心汝亦當得如是無量  
神通之力是時會中復有菩薩名師子幢語  
陀羅尼自在王菩薩言善男子菩薩摩訶薩  
獲得何等陀羅尼門而能受持一切佛語凡  
所演說字句及義無有窮盡陀羅尼自在王  
菩薩言善男子有八陀羅尼菩薩摩訶薩若

有得者則能受持一切佛語凡所演說字句  
及義而無窮盡何等爲八一者淨聲光明陀  
羅尼二者無盡器陀羅尼三者無量際陀羅  
尼四者大海陀羅尼五者蓮華陀羅尼六者  
入無礙門陀羅尼七者四無礙智陀羅尼八  
者佛莊嚴瓔珞陀羅尼是名爲八若有菩薩  
安住如是八陀羅尼則能受持一切佛語凡  
所演說字句及義而無窮盡師子幢菩薩言  
善哉大士唯願廣說菩薩聞已當得受持一  
切佛法陀羅尼自在王菩薩言善男子諦聽  
諦聽當爲汝說淨聲光明陀羅尼者菩薩摩  
訶薩若得住者能於無量無邊佛所具足成



就無量功德得淨四大以是因緣其聲微妙  
宣說法時其音遍滿一佛世界二佛世界五  
佛世界十佛世界二十佛世界三十佛世界  
四十佛世界五十佛世界百佛世界千佛世  
界萬佛世界乃至百千萬佛世界不可稱不  
可數隨所說法即得遍聞其說法時所坐法  
座師子之牀或一由旬或如須彌或如梵處  
坐如是處設有十方無量諸佛講宣道化普  
得聞之受持不忘善解字句及其義味自說  
法時及聽佛說於是二事各無妨礙於一字  
中說一切法一字者所謂爲阿阿者諸字之  
初菩薩摩訶薩說阿字時即能演說一切諸

法阿之言無無者諸法無根諸法無生諸法  
無初諸法無邊諸法無盡諸法無作諸法無  
來諸法無去諸法無住諸法無性諸法無出  
諸法無行諸法無增諸法無高諸法無減諸  
法無主諸法無用諸法無願諸法無戲論亦  
無覺觀無說無聽無處無入諸法無我及無  
衆生無淨無命無名無主無有士夫無內無  
外無常無相無憶無量無為無跡無句無字  
無礙無共無隨他無隨己無執無放無取無  
捨無數無身無淨無穢無轉無變無受無聲  
無相無結無汙無狂無漏無有無覆無濁無  
對無色無受無想無行無識無因無果無陰



入界無因緣無境界無受無欲無色無無色  
無誘導無黑無白無淳無思惟無時無歸無  
淨無雜無燒無習無屋無支無動無住無堅  
無脆無可見無可觸無光無闇無曲無罪無  
實無虛無癡無觀無證無修無見無聞無覺  
無智無觸無識善男子菩薩摩訶薩獲得如  
是淨聲光明陀羅尼時於此一字說一切法  
菩薩於此一字之中說無量義無有錯謬不  
壞法界不失字義菩薩得是陀羅尼已身口  
意淨舉動進止衆生樂見是名身淨凡所演  
說衆生樂聞是名口淨修習慈悲喜捨之心  
是名意淨菩薩得是陀羅尼已能淨二施財

施法施能淨於戒見毀戒者不生惡心能淨  
於忍見害衆生不生瞋惱能淨精進修行善  
法無有休息能淨禪定壞憍慢故能淨智慧  
除無明故能淨於業壞惡因故能淨於眼得  
三明故能淨於耳獲得天耳聞佛聲故能淨  
於鼻悉嗅諸佛淨戒香故能淨於口於甘露  
味不貪著故能淨於身得化身故能淨於意  
善思惟故能淨於色三十二相故能淨於聲  
說妙法故能淨於香戒聞施等得清淨故能  
淨於味得無上味故能淨於觸修習無上諸  
三昧故能淨於法觀諸法界無分別故能淨  
於念如所聞法不忘失故能淨於意永不繫



屬諸魔黨故能淨於行觀察甚深諸法界故  
善男子菩薩任是陀羅尼已隨說音聲所至  
之處身之光明亦如是照善男子是陀羅尼  
成就如是無量功德無盡器陀羅尼者菩薩  
任是陀羅尼已說色無常不可窮盡說色是  
苦亦不可盡說色無我說色如沫如幻水月  
夢響影焰亦不可盡說色無性亦不可盡說  
色無相空不可說不可願求不可造作不生  
不滅非是過去未來現在非內非外非淨非  
穢非我我所非去非來非對非礙非一非二  
非是衆生亦非壽命亦非丈夫非貪瞋癡非  
有非無非漏非無漏非有爲非無爲非盲非

龍非跛非躄非狂非亂非草木石非樹非地  
非水火風非舍非宅非城非郭非大村落非  
山非圓非方非四大造非作非受非聲非聞  
非是可說十二因緣不可窮盡非常非斷無  
業無果非陰入界非任欲界色無色界非同  
非異亦非煩惱非淨非汙非平非凹菩薩摩  
訶薩說色如是不可窮盡善男子是無盡器  
陀羅尼者有無量無邊不可說分分此一分  
以爲千分我於如是千分之一唯說一分猶  
不能盡無量際陀羅尼者際者所謂常見斷  
見無量者謂十二因緣際者所謂無明行識  
乃至老死衆苦聚集又無量者所謂生死又



復際者謂無始終又復際者謂無取捨又復  
際者無出無滅又復際者無汙無淨其性淨  
故又復際者所謂可見又復際者所謂名色  
又復際者有爲無爲又復際者所謂三世內  
外業果無業無果善及不善有漏無漏業及  
煩惱我以無我生死涅槃善男子又無量者  
所謂微塵際者所謂地水火風是名無量際  
陀羅尼菩薩住是陀羅尼已無量劫中爲衆  
說法而其所說字句義味不可窮盡是陀羅  
尼成就如是無量功德大海陀羅尼者善男  
子猶如大海四天下中所有諸色衆生卉木  
藥樹穀子日月星宿雲氣雷電國邑聚落城

郭殿堂園池山河如是一切諸種種色悉於  
中現菩薩住是陀羅尼已亦復如是一切衆  
生身口意業各各於是菩薩身中一一印現  
十方世界所有衆生所有口業悉於菩薩口  
中印現是故菩薩有所言說皆悉真實印者  
名無所有謂諸法無有覺觀無說無邊無作  
無貪是名第一真實之義復有遮印遮之言  
眼眼即無常可淨可見復有那印那之言名  
一切諸法流布故名真實無名復有邏印邏  
之言世一切世間屬愛無明復有陀印陀之  
言十佛具十力能化衆生復有波印波之言  
五如來遠離除滅五欲得阿耨多羅三藐三



菩提復有殺印殺之言六如來真實了知六  
入故能調伏一切衆生復有殺印殺之言六  
如來具足六念處故得大自在復有殺印殺  
之言六如來具足六神通故能以神通教化  
衆生復有婆印婆之言左如來世尊離左道  
故得阿耨多羅三藐三菩提復有多印多之  
言實如來善覺真實之性故名正覺復有那  
印那之言彼如來等知此彼平等復有婆印  
婆之言結如來遠離諸煩惱故名阿梨呵復  
有闍印闍言生老如來已過生老之分故名  
世尊復有曇印曇之言法如來說法清淨無  
垢復有奢印奢之言奢摩他如來成就修奢

摩他復有佉印佉之言虛空如來知見一切  
諸法同於虛空復有迦印迦言苦行如來遠  
離一切苦行復有婆印婆之言實如來所說  
四真諦者即是真實復有摩印摩之言道如  
來能說八正之道復有伽印伽之言深如來  
所說其義甚深復有彞印彞之言忍如來具  
足忍波羅蜜復有呼印呼之言讚如來常讚  
十方諸佛復有若印若之言遍知是故如來  
名一切智復有婆印婆之言有如來已脫一  
切諸有復有車印車之言欲如來欲於一切  
善法復有波印波之言前如來常爲一切衆  
生現前說法復有頗印頗之言果如來常說



四沙門果善男子因如是字演說諸法所有  
諸字悉於菩薩口業印現是名大海陀羅尼  
也蓮華陀羅尼者菩薩住是陀羅尼已所說  
法處常出七寶淨妙蓮華以為法座菩薩坐  
上宣說法化又復多雨無量蓮華是諸蓮華  
亦出種種清淨法音其音深廣多諸方喻十  
二部音清淨之音斷煩惱音亦時菩薩默然  
而住是諸蓮華皆能演法亦出種種無量光  
明一切衆生皆見菩薩坐諸華臺施作佛事  
是名蓮華陀羅尼也入無礙門陀羅尼者菩  
薩摩訶薩說一法時無有罣礙若說二法三  
法四法乃至百千無量無邊恒沙等法如四

天下微塵等法乃至三千大千世界微塵等  
法乃至恒河沙等諸佛世界微塵等法於字  
句義亦無罣礙是名入無礙門陀羅尼也四  
無礙智陀羅尼者所謂法無礙智義無礙智  
詞無礙智樂說無礙智東方無量世界衆生  
有問法者菩薩隨以法無礙答南方無量世  
界衆生有問義者菩薩隨以義無礙答西方  
無量世界衆生有問辭者菩薩隨以辭無礙  
答北方無量世界衆生問樂說者菩薩隨以  
樂說智答是名四無礙智陀羅尼也佛瓔珞  
莊嚴陀羅尼者若有菩薩獲得如是七陀羅  
尼其頂髻上有佛像現其色真金有大光明



三十二相八十種好。爾時菩薩身口意等悉作佛業。其所思念如佛所念。菩薩具足如是佛業。能知大眾種種之心。知已隨意而為說法。若一日若二日乃至無量百千萬歲不能盡其所知法門文字句義。又復具足四種智慧。何等為四。一者知眾生心。二者知諸字句三者知所說無盡。四者知於真實菩薩具足如是四智能調眾生。為阿耨多羅三藐三菩提善男子。是名佛瓔珞莊嚴陀羅尼也。善男子。是八陀羅尼。其分無量。於是分中分其一。分以為千分。於是分中唯說一分。猶不能盡。是陀羅尼成就。如是無量功德。爾時陀羅尼

自在王菩薩即說頌曰

如來說八陀羅尼

能解諸經種種義

具足善業得妙聲

衆生聞已修善法

無量劫中說無法

亦因一字解多義

人中牛王斷二際

具足智慧平等觀

四方色等現大海

說法之時無障礙

坐寶蓮華演說法

若有菩薩且得者

其辭句義不可盡

能令無量世間聞

修已獲得於解脫

因一法根說無盡

是名如來說際持

說中道義無有邊

雖成是持無得者

一切字印印菩薩

成就大海陀羅尼

亦兩蓮華多大衆



蓮華亦說無量法  
說於一字無障礙  
說無量義無有滯  
說法深義無有盡  
能破衆生疑網心  
頂髻常出如來像  
若具如是八持者  
具足是八陀羅尼  
在世最高如須弥  
世邪不動亦復然  
能壞世道諸邪見  
若得無上陀羅尼

是名寂靜蓮華持  
無量字中亦如是  
具足如是無礙持  
辭及樂說無有盡  
獲得無上智揔持  
身口意業佛無異  
窮劫讚歎不可盡  
處世不汙如蓮華  
不可稱計亦如是  
是人具足如是持  
猶如師子獸中吼  
能達世間清淨行

能增無量諸善法  
具足如是陀羅尼  
作大光明如朝日  
說法無礙如虛空  
施於法藥壞煩惱  
若得具足無上持  
能作清涼如秋月  
菩薩成就如是持  
若具如是陀羅尼  
能化衆生於大乘  
能降法雨如龍王  
若得如是陀羅尼

亦能教化多衆生  
能壞衆生無明闇  
亦能除破諸黑闇  
爲衆生行如猛風  
如世良醫救病者  
有讚功德不能盡  
增長善法亦如是  
能化無量諸衆生  
獲得自在如大王  
能施法財破貧窮  
摧滅煩惱如惡雹  
能化衆生於菩提



無能說過如帝釋  
若得成就陀羅尼  
其意不散常在定  
清淨梵行遊神通  
若得成就陀羅尼  
了了觀見十方界  
若具如是陀羅尼  
常爲十方佛所念  
若有菩薩得是持  
具足成就戒念慧  
若得成就陀羅尼  
善知方便調衆生

字義無盡如虛空  
一切大衆樂見聞  
修習無量慈悲心  
是四皆如大梵天  
即能供養十方佛  
於其世界化衆生  
即得具足佛功德  
亦如父母念一子  
能讚功德無量鬘  
能解衆生心所行  
無有憍慢及慳貪  
修習慈悲壞煩惱

若得成就陀羅尼  
善解衆生隨意語  
若具如是陀羅尼  
能解衆生種種解  
隨對治門爲說法  
若得如是陀羅尼  
若得如是陀羅尼  
了知一切煩惱界  
身口意業悉寂靜  
若得成就如是持  
得淨法身無有邊  
身口意業隨智行

煩惱不汙如虛空  
亦能隨意演說法  
悉能了知衆生根  
隨其所解而說法  
三十七品調衆生  
修奢摩他無有邊  
具足六度如諸佛  
通達寂靜而壞之  
行住坐卧亦如是  
無復煩惱諸習氣  
非生所生常化生  
所有定念亦如是



若得成就如是持

有讚歎者不能盡

尔時世尊讚陀羅尼自在王菩薩善哉善哉  
善男子汝已久得是陀羅尼是故能善分別  
解說所有無量功德之義不但今日已於過  
去無量佛所亦作如是分別解說善男子過  
去無量阿僧祇劫尔時有佛号淨光明世界  
名淨劫亦名淨純淨瑠璃以為世界猶如明  
鏡地平如掌所有林樹七寶所成妙寶蓮華  
大如車輪清淨鮮潔人所樂見其土人民悉  
處七寶樓殿堂閣如天無異貪欲恚癡漸已  
輕微土無日月唯有佛光青蓮華開則知是  
夜赤蓮華敷則知是晝時彼佛有六萬百億

大菩薩僧出家之人不可稱計悉皆志樂無  
上大乘世界乃至無二乘名一切皆是不退  
菩薩其佛壽命具足半劫人之與天無有差  
別在地為人處空為天無有王者除佛法王  
其土人民無有宗事諸天邪神及歸依者亦  
無女身毀戒之名具足三戒何等為三一從  
戒戒二從心戒三從慧戒發菩提心馱悔生  
死名從戒戒修三昧慧名從心戒修習智慧  
得大智慧名從慧戒爾時眾中有一菩薩名  
曰光頂從座而起頭面禮足右遶恭敬長跪  
合掌而白佛言世尊所言陀羅尼者云何名  
為陀羅尼耶菩薩任何陀羅尼中能持一切



諸佛名号為諸衆生分別解說佛言善男  
有陀羅尼名曰寶炬菩薩住是陀羅尼中能  
持一切諸佛名号為諸衆生分別解說隨諸  
衆言種種語言光頂菩薩復白佛言唯願世  
尊分別廣說我等聞已當得修持佛言善哉  
善哉善男子至心諦聽吾當為汝分別解說  
尔時世尊即說偈言  
遠離一切諸煩惱  
其心能作大光明  
身口意業悉寂靜  
修習大慈心平等  
其心無有諸覺觀

清淨無垢猶真實  
是名寶炬陀羅尼  
猶如秋月之明淨  
是名寶炬陀羅尼  
悉得遠離於二見

亦非有想非無想  
具足成就念慧  
清淨無垢如虛空  
遠離三種塵勞垢  
已於三有得解脫  
能悉破壞貪恚癡  
除滅無明諸邪闇  
衆生音聲上中下  
能隨衆生意說法  
具足甚深無量義  
遠離於我及我所  
具足成就四依法

是名寶炬陀羅尼  
能入無上大法門  
是名寶炬陀羅尼  
成就三種清淨慧  
是名寶炬陀羅尼  
亦得遠離煩惱濁  
是名寶炬陀羅尼  
一切悉能了了知  
是名寶炬陀羅尼  
亦復具足諸字句  
是名寶炬陀羅尼  
亦復具四無礙智



其心常在於四禪  
能廣分別第一義  
修習具足五神通  
受持專憶四念處  
莊嚴成就四如意  
成就五根及五力  
修習無上七覺分  
成就定慧二翅翼  
趣向無上智解脫  
能踐菩薩之道地  
永斷一切煩惱習  
能作無量太光明

是名寶炬陀羅尼  
具足而得四梵行  
是名寶炬陀羅尼  
精進獲得四正勤  
是名寶炬陀羅尼  
一切邪風不能動  
是名寶炬陀羅尼  
遊翔平坦八正路  
是名寶炬陀羅尼  
及住無上真解脫  
是名寶炬陀羅尼  
猶如世間之日月

能淨三種清淨眼  
能淨一切諸煩惱  
觀察五陰味過咎  
善知調伏諸衆生  
爲衆說法令得念  
住於如是陀羅尼

見佛至心聽受法  
既聞法已至心持  
以大念力因緣故  
能說無常苦無我  
了了觀察諸法界  
成就樂說無礙智

是名寶炬陀羅尼  
亦得遠離諸魔業  
是名寶炬陀羅尼  
永離六根之因緣  
是名寶炬陀羅尼  
能到十方佛世界

亦能廣說如是法  
能爲衆生說字義  
能解諸佛微妙語  
諸法悉從緣得果  
是名寶炬陀羅尼  
三明三慧亦如是



若有住是摠持者  
佛說無量陀羅尼  
若得如是陀羅尼  
若入無量諸禪定  
皆由如是摠持力  
如四大海無障礙  
諸法衆流亦如是  
得身無邊意無盡  
成就無量功德者  
若得如是微妙持  
其色殊勝上種性  
於諸有中得無生

乃能得八解脫義  
悉來攝在此持中  
是名成就無量持  
及得無量諸神通  
是故名爲持中王  
一切河泉皆投之  
皆悉歸趣是持海  
能廣分別說法界  
乃能獲是陀羅尼  
即得三十二相好  
多饒財寶得自在  
能廣分別諸法義

安住不動不退地

皆由得是陀羅尼

菩薩若欲修菩提

當修如是陀羅尼

得是持已修道場

能演說法調衆生

於無量劫說法時

字義二法不可盡

能淨衆生諸煩惱

以得如是陀羅尼

能轉無上正法輪

能令衆生脫衆苦

能進衆生無上道

以得如是陀羅尼

若有衆生千萬口

一口而有千萬舌

不能宣說成持者

所得無量之功德

善男子尔時淨光明佛說是法時光頂菩薩

及與三萬二千菩薩悉皆獲得是陀羅尼善

男子汝知尔時光頂菩薩豈異人乎即汝身



是是故汝今能廣分別是陀羅尼是大衆中  
得是持者汝最第一不時會中有一菩薩名曰  
慧聚白佛言世尊云何菩薩得寶炬陀羅尼得  
已不失能以此法調伏衆生善男子若有善  
薩安住慧根造作慧業如是菩薩能得是持  
得已不失能以此法調伏衆生慧聚菩薩復  
作是言善哉世尊唯願演說云何慧根云何  
慧業佛言善哉善哉善男子至心諦聽吾當  
爲汝分別解說善男子若有善男子善女人  
未聞智慧而得聞之是名爲根聞已廣說名  
之爲業始觀諸法名之爲根觀已廣說名之  
爲業初觀善根名之爲根轉以化人名之爲

業觀不放逸名之爲根轉以化人名之爲業  
調伏自心名之爲根調伏他心名之爲業住  
於寂靜名之爲根淨身口意名之爲業知於  
一乘名之爲根爲衆生說名之爲業修奢摩  
他名之爲根具三種慧名之爲業修三解脫  
名之爲根證得三慧名之爲業修四念處名  
之爲根不念於念名之爲業修四正勤名之  
爲根離煩惱性名之爲業修四如意名之爲  
根知無如意名之爲業修習信心名之爲根  
放捨一切名之爲業修無所畏名之爲根能  
廣說之名之爲業修習三昧名之爲根知定  
次第名之爲業修習智慧名之爲根知一切



法名之為業莊嚴菩提名之為根得菩提時  
名之為業證菩提道名之為根證盡滅時名  
之為業不依不了義名之為根依了義經名  
之為業初聽受法名之為根依止其義名之  
為業不依於人名之為根依止於法名之為  
業見法無常名之為根法無生滅名之為業  
知諸法苦名之為根知法無作名之為業知  
法無我名之為根知法性淨名之為業知涅  
槃淨名之為根知法本淨名之為業聞義不  
畏名之為根依止於義名之為業聞真不怖  
名之為根依止真法是名慧業知字不畏名  
之為根知已樂說名之為業聞說如來無礙

智力不生怖畏名之為根依止如來無礙智  
力名之為業生法二緣名之為根無緣之慈  
名之為業憐愍眾生名之為根能為壞苦名  
之為業思善得喜名之為根心不著法名之  
為業無愛恚捨名之為根無一無二名之為  
業念佛名根念於法身名之為業念法名根  
知法性淨名之為業念僧名根知僧無為名  
之為業念戒名根知無持者名之為業念施  
名根能捨煩惱名之為業念天名根獲得淨  
天名之為業聞已思惟名之為根不著世間  
名之為業知本無今作名之為根無作無受  
名之為業知於涅槃名之為根得大解脫名



之為業自利名根自利利他名之為業受持  
八萬四千法聚名之為根通達其義名之為  
業能演說法名之為根解無明等名之為業  
勸諸眾生於菩提道名之為根勸修智慧方  
便不退名之為業不畏諸有名之為根願生  
諸有名之為業從聞得忍名之為根思惟得  
者名之為業隨意得忍名之為根因不生得  
名之為業餘一生在名之為根最後邊身名  
之為業坐菩提樹名之為根了知諸法名之  
為業說是慧根慧業之時一切十方諸佛世  
界及此寶坊六種震動爾時慧聚菩薩摩訶  
薩白佛言世尊何因緣故十方世界及此虛

空七寶坊庭如是震動善男子是慧根慧業  
亦是過去諸佛所說是故此地爲大震動尔  
時具足四無礙智菩薩白佛言世尊何因緣  
故慧聚菩薩名之爲聚佛言善男子過去無  
量阿僧祇劫有佛出世号功德藏如來應正  
遍知明行足善逝世間解無上士調御丈夫  
天人師佛世尊土名善生劫名無垢其土衆  
生一切純善尔時佛有三萬二千大菩薩衆  
八萬四千聲聞大衆尔時世尊欲試菩薩以  
百億事問諸菩薩諸善男子於是衆中誰能  
解說如是等義其中有言我當思惟經一月  
日乃能解之或復有言我過半月復有言曰



我過七日或言我過一日一夜乃能解之。余  
時衆中有一菩薩名曰念意。白佛言：世尊，我  
今不起。此坐能解。是義。尔時菩薩於大衆中  
師子吼。已其地。即時六種震動。放大光明。勸  
諸地神。乃至阿迦尼吒諸天。一切悉來。詣如  
來所。尔時大衆所坐之處。縱廣滿足百萬由  
旬。念意菩薩見諸大衆。悉以集會。以神通力。  
智慧念力。陀羅尼力。四無礙力。無所畏力。佛  
神力。故於是百億一。事中解百億義。不豫  
思。惟無有停滯。說是義。已是大衆中六萬衆  
生。發阿耨多羅三藐三菩提心。四萬衆生得  
無生忍。從地神諸天。乃至阿迦尼吒天。一切

悉聞說法之聲善男子汝知尔時念意菩薩  
豈異人乎即慧聚是以是因緣名為慧聚尔  
時世尊即說頌曰

聞說法故名為根  
思惟諸善名為根  
如法而任名為根

演說法故名為業  
解說深義名為業  
隨意說法名為業

修奢摩他名為根  
四種念處名為根  
信等五根名為根  
七菩提分名為根  
不依止字名為根  
不依於人名為根

具三種慧名為業  
四正勤法名為業  
信等五力名為業  
八正道分名為業  
依止於義名為業  
依止於法名為業



不依不了名為根

依止了義名為業

不依於識名為根

依於智慧名為業

了知無作名為根

通達無生名為業

生法二慈名為根

無緣之慈名為業

無所畏懼名為根

能宣正法名為業

六思念處名為根

六念之義名為業

能自利益名為根

自利利他名為業

受持正法名為根

能為人說名為業

餘一生在名為根

最後邊身名為業

若菩薩心得不退

即能了知慧根業

能得無生之上忍

能開無上菩提門

今時陀羅尼自在王菩薩白佛言世尊佛所

說法不可思議無上菩提亦不可思議何以  
故非字說故非字攝故如來所說無量無邊  
故入無量無邊法門故十二因緣深難解故  
著二法者不能知故利智之人漸漸知故非  
是六情所知見故亦非二乘智境界故世尊  
如是菩提悉是一切諸法之印不可造作猶  
如虛空非是屋宅離屋宅故知一切行一切  
衆生所有因果一切智慧廣大無邊莊嚴一  
切無量善法能爲善法而作應器能以神通  
顯示於人任二道者示以無二示一切佛平  
等無差無字無義不可宣說不可聽聞能示  
衆生三寶正聚及三脫門解脫三界示三種



慧金剛定因住於一切諸佛正法悉聞一切  
諸佛智慧利一切衆生亦能宣說一切諸佛  
世尊若有善男子善女人能作如是讚歎菩  
提所有功德得聞如是方等經典受持讀誦  
書寫演說是名能報諸佛之恩佛言如是如  
是善男子如汝所說得無量功德善男子一  
切十方諸佛世界滿中七寶以獻如來若有  
人能受持是經書寫讀誦解說其義所得福  
德無有差別尔時世尊告諸菩薩善男子於  
此衆中誰能於我滅度之後護持如是無上  
菩提廣說是義令法久住尔時衆中有諸菩  
薩及諸天人各六萬億同聲而言我等能於如

來滅後護持如是無上善提廣說是經今法  
久住唯願如來加之願力今時世尊即說偈言  
若我實同十方佛 永渡生死大苦海  
如是功德無上法 應當久住無毀滅  
若我無量世修慈 真實爲於諸衆生  
觀衆平等無有二 是故正法得久住  
若我具足二莊嚴 無量世中利衆生  
以是二法化衆生 是故正法得久住  
若能破壞煩惱結 并及除滅諸邪見  
具足一切諸善法 故能善發是願力  
善男子不獨汝等一切人天一切魔梵於我  
滅後悉能護持如是正法善男子虛空可作



色色可同虛空我願神通力不可得今異尔  
時四天王作如是言若有人能於佛滅後受  
持是經讀誦書寫解說其義我等常當隨逐  
守護諸梵天言我等當捨禪定妙樂守護是  
人兜率天言我等亦當守護如是持經弟子  
時魔波旬復作是言世尊若有人能受持是  
經我於其人終不造作魔業魔事功德藏天  
子言世尊一切諸佛所得菩提悉在是經若  
有人能受持讀誦書寫解說當知是人即得  
菩提弥勒菩薩言世尊我當於彼兜率天上  
廣宣如是無上經典大德迦葉復作是言世  
尊我聲聞人智慧雖微要當任力受持讀誦

宣說其義阿難復言世尊我於此經真實受  
持乃至不失一字一句如佛口出無有異也  
若有衆生發菩提心我亦能爲是人廣說佛  
言善哉善哉善男子汝等悉能於我滅後護  
持正法不令毀滅善男子若有衆生求於大  
乘未得法忍受持是經當知是人不過七佛  
便得受記若聲聞人有受持者彌勒成佛出  
世之時在初會中若緣覺人有受持者於我  
滅後得成道證說是法時無量衆生發阿耨  
多羅三藐三菩提心無量衆生成就忍辱無  
量衆生得不退心無量世界六種震動十方  
世界諸來菩薩以好香華伎樂幡蓋供養於



佛咸正是言我等來此七寶坊中得大善利  
若我脫有少福德力願以此力令釋迦如來  
久住於世如是正典流布遍滿十方世界無  
有毀滅若有優婆塞優婆夷等持是經者令  
離一切憂愁怖畏無諸病苦尔時陀羅尼自  
在王菩薩言世尊今所說法無量無邊不可  
思議一切邪法不能傾動乃是一切善法之  
本三乘根栽復是一切諸法初門若有衆生  
來問我言是法何名云何受持當云何答唯  
願說之佛言善男子是名大悲說大悲法名  
如來業受菩薩記當如是持說是經已人天  
大衆歡喜頂戴信受奉行

大方廣華嚴經卷第四

願

下音願 視也

脆

取歲反 破也

跛

必我反 脚病也

躄

必亦反

躄

脚亦

踐

下音踐 正病也

躄

用也

逕

郭字 合作

根

經字 根

栽

下音栽 哉

屈

病也

墪

郭字

卉

上許

木

草

鬼

反

羅

郎


賀

反

雹

蒲

角



猪飼頃良寄附



